

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-20443/18  
Sarajevo, 24.12.2018.godine

Na temelju člana 25. i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova - putem otvorenog postupka, Općinski načelnik d o n o s i:

## **O D L U K U**

### **o izboru najpovoljnijeg ponuđača u predmetu - Izvođenje radova na sanaciji hidrantske mreže i vodne pumpe u okviru Centra za edukaciju, sport i rekreaciju "Safet Zajko"- II faza**

#### **I**

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na sanaciji hidrantske mreže i vodne pumpe u okviru Centra za edukaciju, sport i rekreaciju "Safet Zajko"- II faza, broj obavještenja 422-1-3-256-3-132/18 objavljenom u Službenom glasniku BiH br. 73/18 dana 19.10.2018.godine i na Portalu javnih nabavki Agencije za javne nabavke BiH dana 16.10.2018.godine, dodjeljuje se ponuđaču Konzorcij: "Hydra doo Sarajevo i Hydra Control doo Sarajevo", sa ponudenom cijenom za ugovor u iznosu od 117.466,03 KM sa uračunatim PDV-om.

#### **II**

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije za javnu nabavku radova sa preporukom za dodjelu ugovora u spisu.

#### **III**

Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

#### **IV**

Obavezuje/ju se ponuđač/i iz člana I ove Odluke da u roku od 5 (pet) dana od zaprimanja iste, dostave dokumente navedene u podtački 3.1.3. tenderske dokumentacije, koji se odnose na član 45. stav 2. tačka od a) do d) Zakona i to na način definisan podtačkom 3.5. tenderske dokumentacije.

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatujemo da je ponuđač (grupa ponuđača) iz tačke I ove Odluke dostavio dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost, te se oslobađaju naknadnog dostavljanja istih.

### ***O b r a z l o ž e n j e***

Postupak javne nabavke pokrenut je Odlukom o pokretanju postupka javne nabavke u predmetu - Izvođenje radova na sanaciji hidrantske mreže i vodne pumpe u okviru Centra za edukaciju, sport i rekreaciju "Safet Zajko"- II faza br. 02/12-23-20443/18 od 10.10.2018.godine. Javna nabavka provedena je putem otvorenog postupka.

Zapisnikom sa otvaranja ponuda od 09.11.2018.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene dvije (2) ponude i to od sljedećih ponuđača: Konzorcij: "Hydra doo Sarajevo i Hydra Control doo Sarajevo" i Mibral doo Sarajevo. Zapisnik sa otvaranja ponuda dostavljen ponuđačima na fax.

Nakon što je Komisija utvrdila da su pristigle dvije (2) ponude, pristupila je analizi i procjeni dokumentacije, kojom su ponuđači dokazali svoje kvalifikacije za učešće u ovom postupku, te utvrdila da ispunjavaju formalno-pravne i kvalifikacione uslove navedene u obavještenju o nabavci i tenderskoj dokumentaciji.

Komisija je izvršila i računsku kontrolu, te utvrdila da je ponuda Mibral doo Sarajevo računski ispravna, dok je kod ponuđača Konzorcij: "Hydra doo Sarajevo i Hydra Control doo Sarajevo" utvrđene sljedeće greške:

- Na stranici 12 ponude: "2.14 Spojni holender 2"; stoji 7,00 18,00 36,00 a treba da stoji 7,00 18,00 126,00
- Na stranici 12 ponude: "UKUPNO MONTAŽNI RADOVI" stoji 16.604,00, a treba da stoji 16.694,00
- Na stranici 12 ponude: "B-REKAPITULACIJA ZA PUMPNU STANICU SA REZEVOAROM I BUNAROM" stoji 19.614,00 a treba da stoji 19.704,00.

Gore navedene računске greške, uticale su na ukupan iznos nepredviđenih radova (5%) koji nakon korekcije iznosi 5.196,60, iznos popusta (8%) koji nakon korekcije iznosi 8.730,29 i iznos PDV-a tako da, nakon korekcije PDV iznosi 17.067,71, a ukupna cijena ponude nakon izvršene računске kontrole iznosi 117.466,03 KM sa PDV-om.

U skladu sa primjenom ZJN, Komisija je dostavila ponuđaču akt kojim je traženo pojašnjenje uočenog računskog propusta. Aktom od 18.12.2018.godine ponuđač se saglasio se navedenim.

Komisija je utvrdila da je pristigla ponuda za 17.466,03 KM veća od iznosa određenog u Odluci o pokretanju postupka javne nabavke (bez PDV-a procjenjena vrijednost nabavke iznosi 85.470,09 KM a sa uračunatim PDV-om iznosi 100.000,00 KM). Komisija je za potrebnih dodatnih iznos zatražila mišljenje od Službe za finansije aktom broj 02/12-23-20443/18- Up.13 od 17.12.2018.godine. Služba za finansije je aktom broj 02/09-14-sl./18 od 19.12.2018.godine dala saglasnost na traženi dodatni iznos od 17.466,03 KM, te je na osnovu dobivene saglasnosti Komisija nastavila sa procedurom javne nabavke.

Komisija je pravilno i potpuno izvršila ocijenu kvalificiranosti ponuda, te poređenje i rang listu prispijelih ponuda i dala preporuku Općinskom načelniku da donese odluku o dodjeli ugovora ponuđaču, Konzorcij: "Hydra doo Sarajevo i Hydra Control doo Sarajevo", čija ponuda je ocijenjena najpovoljnijom.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o pregledu i ocjeni ponuda Komisije za javnu nabavku radova sa preporukom za dodjelu ugovora. Na osnovu gore navedenog, odlučeno je kao u dispozitivu Odluke.

### Pouka o pravnom lijeku

Ponuđači koji su sudjelovali u postupku nadmetanja mogu radi zaštite svojih prava i pravnih interesa, izjaviti žalbu ugovornom organu u roku od 5 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila  
Enisa Babić, dipl. pravnik

Dostaviti:

1. Ponuđaču/ima- učesniku/ postupka
2. Služba za zajedničke poslove
3. A r h i v i / u spis

